

KIKAO CHA 3 CHA ZÚME MWANDIKO WA VIDEO

Injili

Katika kikao hiki, tutajifunza jinsi ya kushirikiana HADITHI ya MUNGU – INJILI - kutoka Uumbaji hadi Hukumu, tangu mwanzo wa wanadamu hadi mwisho wa nyakati. Kuna njia nyingi za kushiriki hadithi ya Mungu.

Njia bora zaidi itategemea mtu unayeshiriki naye na maoni yake kuhusu ulimwengu na uzoefu wake wa kimaisha.

Mungu hutumia mioyo yenye nia ya kushiriki kutenda kwa mioyo yenye nia ya kusikia.

Ni kazi yake. Anatualika tu tukajiunge naye.

Njia moja ya kushiriki hadithi ya Mungu ni kwa kuelezea kilichotokea tangu Uumbaji hadi kwenye Hukumu mwa nyakati hizi.

Tunaposema hadithi ya Mungu kwa njia hii, tunaweza kuurefusha au kuufupisha, kwa kina au fupi fupi lakini iwe imeunganika na utamaduni wa mwenye anakusikiza.

Ili kusaidia kuelezea Hadithi Yake katika tamaduni tofauti na maoni ya ulimwengu, unaweza pia kuonyesha kwa mkono ambao hufanya iwe rahisi kujifunza na kufundisha.

Hapa kuna Hadithi ya Mungu ya Habari Njema -
Hapo mwanzo, Mungu aliumba ulimwengu na vitu vyote.

Aliumba MWANAUME wa KWANZA na MWANAMKE wa KWANZA. Akawaweka kwenye bustani nzuri. Aliwafanya kuwa SEHEHMU ya JAMAA YAKE na UHUSIANO WA KARIBU pamoja nao.

Aliwaumba WAZEWE KUISHI pamoja. Hakukuwa kitu kamakifo.
Hata katika mahali hapa, mwanadamu alimuasi Mungu na kuleta DHAMBI na MATESO duniani.

Mungu akamfukuza mwanadamu kutoka kwenye bustani. Uhusiano kati ya Mungu na mwanadamu ukakatizwa.

Sasa ikawa mwanadamu lazoma afe.

Zaidi ya mamia ya miaka, Mungu alizidi kuwatuma WAJUMBE duniani. Waliwakumbusha wanadamu dhambi zao na pia kuwaeleza kuhusu UAMINIFU wa Mungu na AHADI zake za kumtuma MWOKOZI duniani.

Mwokozi angerejesha uhusiano wa karibu kati ya Mungu na wanadamu, mwokozi angemuokoa mwanadamu kutoka kwa kifo. Mwokozi atapeana uzima wa milele na kuokoa mwanadamu milele.

Mungu anatupenda sana hata wakati ulipotimia, alimtuma Mwanawe duniani ili awe yule Mwokozi.

Yesu alikuwa Mwana wa Mungu. Alizaliwa duniani kupitia bikira. Aliishi maisha makamilifu. Hakutenda dhambi.

Yesu aliwafundisha watu kuhusu Mungu. Alitenda miujiza mingi kudhihirisha uwezo wake. Alikemea pepo wengi. Aliponya watu wengi. Aliwaweza vipofu kuona. Aliwafanya viziwi kusikia. Aliwafanya viwete kutembea.

Yesu hata aliwafufua wafu. Viongozi wengi wa dini WALIHOFIA sana na kumchukia Yesu. Walitaka kumuua.

Kwa vile hakutenda dhambi, hakustahili kufa. Lakini ALIAMUA kufa kama DHABIHU kwetu sote. Kifo chake kilifunika dhambi za mwanadamu.

Baada ya haya, Yesu alizikwa kaburini.

Mungu aliona DHABIHU yake Yesu na kukubali. Mungu alionyesha kukubali kwake kwa kumfufua Yesu kutoka wafu siku ya tatu.

Mungu alisemba kwamba ikiwa TUTAAMINI na KUMPOKEA Yesu kama dhabihu ya dhambi zetu – TUKIACHANA na dhambi na KUMFUATA Yesu, Mungu HUTUTAKASA kwa dhambi zote na KUTUKARIBISHA tena katika jamaa yake.

Mungu humtuma ROHO MTAKATIFU aishi ndani mwetu na kutusaidia kumfuata Yesu.

TUNABATIZWA kwa maji kuonyesha na kuidhinisha uhusiano huu uliorejeshwa.

Kama ishara ya kifo tunazikwa ndani ya maji. Kama ishara ya maisha mpya tunainuliwa kutoka majini kumfuata Yesu. Wakati Yesu alipofufuka kutoka wafu, alikaa duniani siku arobaini.

Yesu aliwafundisha wafuasi wake kwenda kila mahali kufundisha kila mtu kuhusu habari njema ya wokovu wake.

Yesu alisema – NENDENI na MKAWAFANYE WANAFUZI mataifa yote kuwa wanafunzi, mkiwa BATIZA, kwa jina la Baba, na Mwana, na Roho Mtakatifu; na KUWAFUNDISHA kuyashika yote niliyowaamuru ninyi, tazama, mimi nipo pamoja nanyi siku zote, hata mwisho wa dahari.

Yesu AKAINULIWA juu mbele ya macho yao hata mbinguni. Siku moja, Yesu ATAKUJA TENA kwa njia hiyo hiyo.

Atawaadhibu milele wote ambao hawakumpenda na kumtii.

ATAWAPOKEA na KUWAZAWADI MILELE wote waliompenda na kumtii.

TUTAISHI MILELE pamoja naye katika Mbingu Mpya na Dunia Mpya.

NILIAMINI na NIKAPOKEA dhabihu iliyoandaliwa na Yesu kwa ajili ya dhambi zangu. Alinifanya kuwa msafi na kunirejesha kama sehemu ya jamaa ya mungu. Ananipenda, nami nampenda milele katika ufalme wake.

Mungu anakupenda na anataka ukaipokee zawadi hii, pia. Je, ungependa kufanya hivyo sasa hivi?